



池上詩人

郡人劉廷鑾編

同學吳應夢較

七言絕句

張祐

題秀師影堂

詩中木一作寺

陰陰古木杉松下  
記得長明一燭燈  
盡日看山人不  
會影堂終是別來僧

題弋陽館

一葉飄然下弋陽  
殘霞昏日樹蒼蒼  
吳溪漫汗千將



劍却是猿聲斷客腸

江上旅泊呈杜員外

牛渚南來沙斤長遠吟佳句望池陽野人未必非毛  
遂太守還須是孟嘗

送溫飛卿赴方城

方城新尉曉衙參却是傍人意不甘盡夜與君思賈  
誼瀟湘猶隔洞庭南

九華山

凌空瘦骨寒如削照水清光翠且重却憶謫仙詩格

俊解吟秀出九芙蓉

題李修源

岳陽新尉曉衙參却是傍人意未甘昨夜與君思賈  
誼長沙猶在洞庭南

瓜洲聞曉角

詩中送一作遍

寒耿稀星照碧霄月樓吹角夜江遙五更人起烟霜  
靜一曲殘聲送落潮

連昌宮

龍虎旌旗雨露飄玉樓歌斷碧山遙玄宗上馬太真



去紅樹滿園香自銷

感春申君

薄俗何心議感恩  
諛容卑跡賴君門  
春申還道三千  
客寂寞無人殺李園

元日仗

文武千官歲仗兵  
萬方同軌奏昇平  
上皇一御含光  
殿丹鳳門開白日明

千秋樂

八月平時花萼樓  
萬方同樂是千秋  
傾城人看長竿

出一技初成趙解愁

大酺樂二首

車駕東來值太平  
大酺三日洛陽城  
小兒一伎竿頭  
絕天下傳呼萬歲聲

二

紫陌酺歸日欲斜  
紅塵開路薛王家  
雙鬟笑說樓前  
鼓兩仗爭輪好落花

正月十五夜燈

千門開鎖夜燈明  
正月中旬動帝京  
三百內人連袖



舞一時天上著詞聲

熱戲樂

熱戲爭心劇火燒銅鎚暗熱不相饒上皇失喜寧王  
笑百尺幢竿果動搖

上巳樂

詩中染一作絲羅一作紅

腥腥血染繫頭標天上齊聲舉畫橈却是內人爭意  
切六宮羅袖一時招

邠王小管

詩中還一作遠

虢國潛行韓國隨宜春深院映光枝金輿還幸無人

見偷把邠王小管吹

李謨笛

詩中耳一作譜

平時東幸洛陽城天樂宮中夜徹鳴無柰李謨偷曲  
耳酒樓吹笛是新聲

孟才人歎一首

并序

武宗皇帝疾篤遷便殿孟才人以歌笙獲  
寵者密侍其右上目之曰吾當不諱爾何  
為哉指笙囊泣曰請以此就縊上憫然復  
曰妾嘗藝歌願口上歌一曲以泄其憤上

以懇許之乃歌一聲何滿子氣函立殞上  
令醫候之曰脉尚温而腸已絕矣及上崩  
將徙其柩舉之愈重議者曰非俟才人乎  
爰命具襯襯既至乃舉嗟夫才人以誠死  
上以誠明雖古之義激無以過也進士高  
璩登第年宴傳於禁明年秋貢士文多以  
之爲目大中三年過高於由拳話於余聊  
爲興歎

偶因歌態詠嬌嚬傳唱宮中十二春却爲一聲何滿

子下泉須弔舊才人

一本刻孟才人詩云偶因清唱

一聲何滿子九原須弔孟才人

一本奏歌作詠歌還入作奏入

退宮人二首

開元皇帝掌中憐流落人間二十年長說承天門上  
宴百官樓下拾金錢

二詩中觀一作歡

歌喉漸退出宮闈泣話伶官上許歸猶說入時觀聖  
壽內人初著五方衣

玉環琵琶

宮樓一曲琵琶聲滿眼  
雲山是去程  
迴顧段師非汝  
意玉環休把恨分明

折楊柳枝二首

莫折宮前楊柳枝  
玄宗曾向笛中吹  
傷心日莫烟霞  
起無限春愁生翠眉

二

凝碧池邊歛翠眉  
景陽樓下綰青絲  
那勝妃子朝元  
閣玉手和烟弄一枝

胡渭州

亭亭孤月照行舟  
寂寂長江萬里流  
鄉國不知何處  
是雲山漫漫使人愁

即席贈王侍中

古來英傑動寰區  
武德文經未有餘  
王氏柱天勛業  
外李陵章句右軍書

一作云十年受命鎮方隅  
孝節忠規兩有餘  
誰信將壇嘉改外

李陵章句右軍書  
淮南幕中與杜牧同座索骰子聯

贈姬人賦  
尖字韻

骰子逡巡裏手拈  
無因得見玉纖纖  
但須報道金釵



隨髻鬢還應露指尖

春鶯囀

興慶池南柳未開  
太真先把一枝梅  
內人已唱春鶯  
囀花下  
傚傚軟舞來

寧歌來  
一作寧哥

日映宮城霧半開  
太真簾下畏人猜  
黃翻綽指向西  
樹不信  
寧歌舞馬來  
舞一作回

鄴中懷古

鄴中城下漳河水  
日夜東流莫記春  
腸斷宮中望陵

處不堪臺上也無人

讀池州杜員外杜秋詩  
一作讀杜員外秋娘

年少多情杜牧之  
風流仍作杜秋詩  
可知不是長門  
閉也得相如  
第一詞

杭州開元寺牡丹花

濃艷初開小藥欄  
人人惆悵出長安  
風流却是錢塘  
寺不踏紅塵見牡丹

招徐宗偃畫松石

咫尺雲山便出塵  
我生長日自因循  
憑君盡取江南

勝留取東齋伴老身

贈元道處士

一作贈處士

小徑上山山甚小每憐僧院笑僧禪  
人間莫道無難事二十年來已是玄

平陰夏日作

西來漸覺細塵紅擾擾舟車路向東  
可惜夏天明月夜上山前面障南風

題酸棗驛碑

詩中字一作自

蒼苔古澁字雕疎誰道中郎筆力餘  
長愛當時遇王粲每來碑下不關書

題朱邱曹山房

一作山居

朱氏西齋萬卷書水門山澗自高疎  
我來穿穴非無意願何君家作壁魚

容兒鉢頭

爭走金車叱靛牛笑聲唯是說千秋  
兩邊角子羊門裡猶學容兒弄鉢頭

邠娘羯鼓

新教邠娘羯鼓成大酺初日最先呈  
冬兒指向真真

說一曲乾鳴兩杖輕

耍娘歌

宜春花夜雪千枝  
妃子偷行上密隨  
便喚耍娘歌一曲  
六宮生老是蛾眉

恃孥兒舞

春風南內百花時  
道調梁州急遍吹  
揭手便拈金梳  
舞上皇驚笑恃孥兒

酬惟信上人贈張僧繇畫僧一作贈画僧

骨峭情高彼岸人  
一杯長泛海爲津  
僧儀又入清流

品却恐前生是許詢

題靈徹上人舊房

寂寞空門支道林  
滿堂詩版舊知音  
秋風吹葉古廊  
下一半繩床燈影深

晚秋潼關西門作

日落寒郊烟物清  
古槐陰黑少人行  
關門西去華山  
色秦地東來河水聲

贈內人詩中鷺一作燕

禁門宮樹月痕過  
媚眼唯看宿鷺窠  
斜拔玉釵燈影



畔別開紅焰救飛蛾

聽李簡上人吹蘆管

蜀國僧吹蘆一枝隴西游客淚先垂至今留得新聲  
在却爲中原人不知

華清宮四首

風樹離離月稍明九天龍氣在華清宮門深鎖無人  
覺半夜雲中羯鼓聲

二

天闕沉沉夜未央碧雲仙曲舞霓裳一聲玉笛向堂

盡月滿驪山宮漏長

三

紅樹蕭蕭閣半開玉皇曾幸此宮來至今風俗驪山  
下村笛猶吹阿濫堆

四 詩中山一作水

山透宮墻處處聲殘紅長綠露華清武皇一夕夢不  
覺十二玉樓宮月明

洛中作

元和天子昔平戎惆悵金輿尚未通盡日洛橋閑處

看秋風時節上陽宮

送走馬使

新樣花紋配蜀羅同心雙帶蹙金蛾慣將喉舌傳軍  
好馬跡鈴聲遍兩河

贈竇家小兒

詩中廳一作聽

深綠衣裳小小人每來廳裡解相親天生合去雲霄  
上一尺松栽已出塵

聽崔莒侍御葉家歌

宛羅重縠起歌筵活鳳生花動碧烟一聲唱斷無人

和觸破秋雲直上天

題畫僧

題一作贈

瘦頸隆肩碧眼僧翰林親讚虎頭能終年不語看如  
意似證禪心入大乘

長門怨

日映宮牆柳色寒笙歌遙指碧雲端珠鉛滴盡無心  
語強把花枝冷笑看

讀老莊

詩中言一作聞

等言緝綴閒言語誇向時人喚作詩昨日偶拈莊老

讀萬尋山上一毫釐

偶題 詩中當一作長

古來名下豈虛為李白顛狂自稱時  
唯恨世間無賀志謫仙當在没人知

題御溝

萬樹垂楊拂御溝溶溶漾漾遶神州  
都緣濟物心無阻從此恩波處處流

別玉華仙侶

透舍烟霞為四隣寒泉白石日相親  
塵機不盡住不

得環重玉山山上人

汴上同楊昇秀才送客歸 一作汴上送客

河流西下雁南飛楚客相逢淚濕衣  
張翰思鄉何太切扁舟不住又東歸

平原路上題郵亭殘花 一作郵亭殘花

雲暗山橫日欲斜郵亭下馬對殘花  
自從身逐征西府每到花時不在家

秋曉送鄭侍御 一作秋時

離鴻聲怨碧雲淨楚瑟調高清曉  
天盡日相看俱不



語西風搖落數枝蓮

宿武牢關

詩中向一作宿

行人候曉久徘徊不待雞鳴未得開  
堪羨寒溪自無事潺潺一夜向關來

夜宿溫浦逢崔昇

江流不動月西沉南北行人萬里心  
况是相逢雁天夕星河寥落水雲深

京城寓懷

三十年持一釣竿偶隨書薦入長安  
由來不是求名者唯待春風看牡丹

感歸

行去江南路幾千歸來不把一文錢  
鄉人笑我窮寒鬼還似襄陽孟浩然

偶作

徧識青霄路上人相逢祇是語逡巡  
可勝飲盡江南酒歲月猶殘李白身

題青龍寺

詩中閑一作然道一作到

二十年沉滄海間一游京國也因閑  
人人盡道求名

處猶向青龍寺看山

丁巳年仲冬月江上作詩末陰一作雲當從之

南來驅馬渡江濱消息前年此月聞唯是賈生先慟  
哭不堪天意重陰陰

勸飲酒詩中能一作勝

燒得硫黃謾學仙未能長付酒家錢竇常不吃齊推  
藥却在人間八十年

硫黃

一粒硫黃入貴門寢堂深處問玄言時人盡說韋山

甫昨日餘干弔子孫

集靈臺二首

日光斜照集靈臺紅樹花迎曉露開昨夜上皇新授

籙太真含笑入簾來

二一作子美詩編入杜集一作小杜詩編入樊川集

虢國夫人承主恩平明騎馬入宮門却嫌脂粉污顏  
色淡掃蛾眉朝至尊

阿儻湯

月照宮娥紅樹芳綠窻燈影在雕梁金輿未到長生

殿妃子偷尋阿保湯

馬嵬歸

雲愁鳥恨驛波前  
了了龍旗指望賢  
無復一生重語  
事柘黃衫袖掩潸然

馬嵬坡

旌旗不整柰君何  
南去人稀北去多  
塵土已殘香粉  
艷荔枝猶到馬嵬坡

太真香囊子

蹙金妃子小花囊  
銷耗冑前舊結香  
誰爲君王重解

得一生遺恨繫心腸

散花樓

錦江城外錦城頭  
迴望秦川上軫憂  
正值血魂來夢  
裡杜鵑聲在散花樓

雨霖鈴

雨霖鈴夜却歸秦  
猶見張徽一曲新  
長說上皇和淚  
教月明南內更無人

聽劉端公田家歌

一作聽歌

兒郎漫說嘖喉輕  
須待情來意自生  
只是眼前絲竹



和大家聲裡唱新聲

題宋州田大夫家樂邱家箏一作聽箏

十指纖纖玉笋紅  
鴈行輕過翠絃中  
分明似說長城苦  
冰咽雲寒一夜風

冰一作水

耿家歌一作聽歌之二

十二年前邊塞行  
坐中無語歎歌情  
不堪昨夜先垂淚  
西出陽關第一聲

王家琵琶

金屑檀槽玉腕明  
子絃輕撚爲多情  
只愁拍盡涼州

破畫出風雷是撥聲

董家笛

一夜梅花笛裡飛  
陽春白雪復輝輝  
東風却定北風起  
高入塞雲鴻雁稀

王家五絃

五條絃出萬端情  
撚撥間關漫態生  
唯羨風流田太守  
小金鈴子耳邊鳴

李家柘枝詩首細一作紅

細鉛拂臉細腰人  
金綉羅衫軟着身  
長恐舞時殘拍

盡却思雲雨更無因

楚州韋中丞筮篔

千重鈎鎖撼金鈴萬顆眞珠瀉玉瓶  
恰值滿堂人欲醉甲光纔觸一時醒

邊上逢歌者

垂老愁歌出塞庭過雲相付舊秦青  
少年翻擲新聲盡却向人前側耳聽

聽薛陽陶吹蘆管

紫清人下薛陽陶末曲新笳調更高  
無柰一聲天外

絕百年已死斷腸刀

聽僧吹蘆管

一作聽李簡上人吹蘆管

細蘆笙管夜沉沉越鳥巴猿寄恨吟  
吹到耳邊聲盡

處一條絲斷碧雲心

笙一作僧

二

月落江城樹遠鴉一聲蘆管是天涯  
分明西國人來說赤佛堂西是漢家

聽岳州徐員外彈琴

玉律潛符一古琴哲人心見聖人心  
盡日南風似遺

意九疑猿鶴滿山吟

塞上聞笛

一夜梅花笛裡飛  
冷沙晴檻月光輝  
北風吹盡向何處  
高入塞雲鴻雁稀

經舊游

去年來送行人處  
依舊蟲聲古岸南  
斜日照溪雲影斷  
水流花穗倒雲潭  
流一作洪雲一作空

東山寺

寒山蒼蒼老柏風  
石香清滑露光融  
半夜四山鐘磬

盡水晶宮殿月玲瓏

題潤州鶴林寺

古寺名僧多異時  
道情虛遣俗情悲  
千年鶴在市朝變  
來去舊山人不知

題勝上人山房

清晝房廊山半開  
一瓶新汲酒莓苔  
古松百尺始生葉  
颯颯風生天上來  
風生一作風聲

題金陵渡

金陵津渡小山樓  
一宿行人自可愁  
潮落夜江斜月



裏兩三星火是瓜州 一作洲

### 過陰陵山

壯士恓惶到山下  
行人惆悵到山頭  
生前此路已迷  
失寂寞孤魂何處游

到山頭一作上山頭

### 過汾水關

千里南來背山行  
關門無事一侯嬴  
山根百尺路前  
去十夜耳中汾水聲

山行一作日行

### 鈎弋夫人詞

惆悵雲陵事不迴  
萬金重更築仙臺  
莫言天上無消

息猶是夫人作鳥來

### 李夫人詞

延年不語望三星  
莫說夫人上滄零  
爭奈世間惆悵  
在甘泉宮夜見安形

見安一作看圖

### 縱游淮南

十里長街市井連  
月明橋上看神仙  
人生只合揚州  
死禪智山光好墓田

### 櫻桃

石榴未折梅猶小  
愛此山光四五株  
斜日庭前風裊

梟碧油千片漏紅珠光一作花

鴻溝

龍蛇百戰爭天下各制雄心指此溝寧似九州分國  
土地圖初割海中流

題峯頂寺

月明如水山頭寺仰面看天石上行夜半深廊人語  
定一枝松動鶴來聲

悲鉄納

長聞爲政古諸侯使佩刀人盡佩牛誰爲今來正耕

墾却銷農器作戈矛

登樂遊原

幾年詩酒滯江干水積雲重思萬端今日南方惆悵  
盡樂遊原上見長安

過石頭城

纍纍墟墓西原六代同歸蔓草根唯是歲華流盡  
處石頭城下水千痕

酬靈符秀才惠枕一作酬凌秀才惠枕

八寸黃楊惠不輕虎頭光照簾文清空心想此緣成

夢拔劍燈前一夜行

黃蜀葵花

名花八葉嫩黃金色照書窻透竹林無奈美人閑把  
嗅直疑檀口印中心

楊花

散亂隨風處處勻庭前幾日雪花新無端惹着潘郎  
髮驚殺綠窻紅粉人

薔薇花

曉風抹盡胭脂顆夜雨催成蜀錦機當晝開時正明  
媚故鄉疑是買臣歸

戲顏郎中獵

忽聞射獵出軍城人着戎衣馬帶纓倒把角弓呈一  
箭滿川狐兔當頭行

費冠卿

題中峯

中峰高柱次寥天上有茅菴與石泉晴景獵人曾望  
見青藍色裏一僧禪

蒙召拜拾遺書情二首



拾遺帝側知難得官緊才微恐不勝好是中朝絕親  
友九華山下詔來徵

二

二千里外一微臣二十年來任運身今日忽蒙天子  
召自慚驚動國中人

青陽城隍廟謝雨

九華志作詠協濟祠

青嶂廟前纔滴酒白龍湫上氣如蒸一聲霹靂驚風  
雨萬頃秋田水溢塹

孟遲

過驪山

冷月微烟渭上愁華清宮樹不勝秋霓裳一曲千門  
鎖白盡梨園弟子頭

月一作日

廣陵城

紅映樓臺綠透城城邊春草傍愁生隋家不向此中  
盡汴水應無東去聲

映樓一作遠高

長信宮

君恩已盡欲何歸猶有殘香在舞衣自恨身輕不如  
燕春來還遠御簾飛

吳故宫

越女歌長君且聽芙蓉香滿水邊城豈知一日終非  
主猶自如今有燕聲

蘭昌宮

宮門兩片掩埃塵牆上無花草不春誰見當時禁中  
事阿嬌解佩與何人

烏江

中分豈是無遺策百戰空勞不逝騅大業固非人事  
及烏江亭長又何知

蓮塘

脉脉低回殷袖遮臉橫秋水髻盤鴉蓮莖有刺不成  
折盡日斤傍空看花

宮人斜

雲慘煙愁苑路斜路傍塚冢盡宮娃茂陵不是同歸  
處空寄香魂著野花

新安故關

漢帝英雄重武材崇山險處鑿門開如今更有將軍  
否移取潼關向北來

還淮却寄睢陽

梁王池苑已蒼然，滿樹斜陽極浦烟。  
盡日回頭看不見，兩行秋淚上南船。

閑情 一作閨情

山上有山歸不得，江湖暮雨鷓鴣飛。  
蘼蕪亦是王孫草，莫送春香入客衣。

張喬

寄清越上人

子性本來無所染，白雲<sup>那</sup>得有心期。  
遠公幾刻蓮花

漏獨向空山禮六時

長門怨

一作劉駕作

御前長統鳳凰樓，自是恩波別處流。  
閑蝶舞衣歸未

得，夜來砧杵六宮秋。

自一作只

宴邊將

一曲涼州金石清，邊風蕭颯動江城。  
坐中有老沙場客，橫笛休吹塞上聲。

石一作不

促織

念爾無機自有情，迎寒辛苦弄梭聲。  
椒房金屋曾何



織偏向貧家壁下鳴

河湟舊卒

少年隨將討河湟頭白時清返故鄉  
十萬漢兵零落盡獨吹邊曲向殘陽

潭上作

竹島殘陽烟疑翠微雪翎禽過碧潭飛  
人間未有關身事每到漁家不欲歸

題齊山僧舍

題一作宿

一宿經窻望白波曉隨山月出烟蘿  
若言不得南宗

要長在禪牀事更多

望一作卧曉隨句一作萬重歸  
夢隔烟蘿

遂

剪雨裁烟一節秋落梅楊柳曲中愁  
尊前暫借殷勤看明月曾聞向隴頭

長安贈猿

掛月棲雲向楚林取來全是爲清音  
誰知繫在黃金鎖翻畏侯家不敢吟

漁者

首戴圓荷髮不梳葉舟爲宅水爲居  
沙頭聚看人如

市釣得澄江一丈魚

宿潺湲亭

走月流烟疊樹西聽來愁甚聽猿啼幾時御水聲邊  
住却夢潺湲宿此溪

臺城

宮殿餘基長草花景陽宮樹噪村鴉雲屯雉堞依然  
在空繞漁樵四五家

寄山僧

大道本來無所染白雲那得有心期遠公獨刻蓮花

漏猶向青山禮六時

二

閒倚蒲團向日眠不能歸老岳雲邊舊時僧侶無人  
在唯有長松見少年

游邊感懷

貧游繚繞困邊沙却被遼陽戰士嗟不是無家歸不  
得有家歸去似無家

二

兄弟江南身塞北雁飛猶自半年餘夜來因得思鄉

夢重讀前秋轉海書

寄薦福寺棲白大師塔

高塔六街無不見塔邊名出祇吾師嘗聞朝客多相  
記得 數句詩

越中贈別

東越相逢幾醉眠滿樓明月鏡湖邊別離吟斷西陵  
渡楊柳秋風兩岸蟬

春日遊曲江

日暖鴛鴦拍浪春蒹葭浦際聚青蘋若論來往鄉心

切須是烟波島上人

題上元許棠所任王昌齡廳

瑠璃堂裏當時客久絕吟聲繼後塵百四十年庭樹  
老如今重得見詩人

自誦

每到花時恨道窮一生光景半成空只因抱璞非良  
玉豈得年年不至公

贈河南詩友

山東令族玉無塵裁剪煙花筆下春不把瑤華借風



月洛陽才子更何人  
寄維揚故人

離別河邊縮柳條  
千山萬水玉人遙  
月明記得相尋處  
城鎖東風十五橋

孤雲

舒卷因風何所之  
碧天孤影勢遲遲  
莫言長是無心物  
還有隨龍作雨時

詠棋子贈奕僧

黑白誰能用  
入玄千回生死體  
方圓空門說得恒沙

劫應笑終年爲一先

谷口作

巴客青冥過  
嶺塵雪厓交映  
一川春晴朝采藥  
尋源去必恐雲深見異人

寄弟

故里行人戰後疎  
青厓萍寄白雲居  
那堪又是傷春日  
把得長安落第書

春日有懷

高下尋花春景遲  
汾陽臺榭白雲詩  
看山懷古翻惆

悵未勝遙傳不到時

宿洛都門

山川馬上度邊禽一宿都門永夜吟  
客路不歸秋又晚西風吹落洛陽砧

鷺絲障子

剪得機中如雪素畫爲江上帶絲禽  
閑來相對茅堂下引出煙波萬里心

九華樓

一夜江潭風雨後九華晴望倚天秋  
重來此地知何

日欲別殷勤更上樓

周繇

看牡丹贈段成式

金蘂霞英疊綠香初疑少女出蘭房  
逡巡又是一年別寄語集山呼索郎

以人參遺成式

人形上品傳方志我得真英自紫團  
慚非叔子空持藥更請伯言審細看

和段式不赴光風亭夜宴

一作酬段柯古不赴夜宴

玉樹瓊筵映彩霞  
澄虛樓閣似仙家  
只緣存想歸蘭室  
不向春風看夜花  
虛樓一作波虛

和段成式

迴簪轉黛喜猜防  
粉署裁詩助酒狂  
若遇仙丹借羽化  
便隨蕭史亦何傷

津頭望白水

晴江暗漲岸吹沙  
山畔船衝樹杪斜  
城郭半淹橋市鬧  
鷺絲繚繞入人家

公子行

青衫薄薄漏春風  
日暮鳴鞭柳影中  
回望玉樓人不見  
酒旗深處勒花驄

杜荀鶴

寄李隱居

自小棲玄到老閑  
如雲如鶴住應難  
溪山不必將錢買  
贏得來來去去看

讀諸家詩

辭賦文章能者稀  
難中難者莫過詩  
直應吟骨無生處  
死知我前身是阿誰



再經湖城縣

去歲曾經此縣城  
縣民無口不冤聲  
今來縣宰加朱紱  
便是生靈血染成

春來燕

我屋汝嫌低不住  
雕梁畫閣也知寬  
大須安穩擇巢  
住莫道巢成却不安

清溪朱明府出二子請詩因遺一絕

珠明玉潤盡驚人  
不稱寒門不稱貧  
若向吾唐作雙  
瑞便同祥鳳與祥麟

哭陳陶

邾陽山下傷工部  
采石山邊弔翰林  
兩地荒墳各三尺  
看來稍解哭君心

哭貝翰

交朋來哭我來歌  
喜傍山家葬薜蘿  
四海十年人殺  
盡似君埋少不埋多

蠶婦

粉色全無饑色佳  
豈知人世有榮華  
年年道我蠶辛  
苦底事渾身著苧麻

山中老僧

草靱無塵心地閑  
盡隨猿鳥過寒暄  
眼昏齒落看經遍  
却向僧中摠不言

閩中秋思

雨勻紫菊叢叢色  
風弄紅蕉葉葉聲  
北畔是山南畔海  
祇堪圖畫不堪行

八駿圖

丹牘傳真未得真  
那知筋骨與精神  
祇今恃駿憑毛色  
綠耳華騮賺殺人

贈僧

利門名路兩何隄  
百歲風前短焰燈  
祇恐爲僧僧不了  
爲僧得了合輸僧

秋夕

世間多少能詩客  
誰是無愁得睡人  
自我夜來霜月下  
到頭吟魄始終身

溪興

山雨溪風卷釣絲  
瓦甌蓬底獨斟時  
醉來睡着無人喚  
流下前灘也不知

過巢湖

世人貪利復貪榮來向湖邊始至誠  
男子登舟與登陸把心何不一般行

傷硤石縣病叟

無子無孫一病翁將何筋力事耕農  
官家不管蓬蒿地須勒王租出此中

贈老僧

童子爲僧今白首暗鋤心地種閒情  
時將舊袖添新線披坐披行過一生

釣叟

田不曾耕地不鋤誰人閑散得如渠  
渠將底物爲香餌一度擡竿一箇魚

溪岸秋思

桑柘窮頭三四家挂罾垂釣是生涯  
秋風忽起溪灘白零落岸邊蘆荻花

春日旅寓

滿城羅綺拖春色幾處笙歌揭畫樓  
江上有家歸未得眼前花是眼前愁



田翁

白髮星星筋力衰，種田猶自伴孫兒。  
官苗若不平平納，任是豐年也受饑。

秋江雨夜逢詩友

故友別來三四載，新詩吟得百餘篇。  
夜來江上秋無月，恨不相逢在雪天。

感春

咫尺青雲未致身，眼前花似夢中春。  
浮生七十今三十，已是人間半世人。

題花木障

不假東風次第吹，筆端春色一枝枝。  
由來畫看勝栽看，免見朝開暮落時。

顧雲侍御出二子請詩因遺一絕

二雛毛骨秀仍奇，小小能吟大大詩。  
想得月中仙桂樹，各從生日長新枝。

秋夕病

壞屋不眠風雨夜，故園無信水雲秋。  
病中枕上誰相問，一一蟬聲槐樹頭。

宿藥城驛却寄常山張書記常一作長

一更更盡到三更吟破離心句不成  
數樹秋風滿庭月憶君時復下堦行

湘江秋夕

三湘月色三湘水浸骨寒光似練鋪  
一夜塞鴻來不住故鄉書信半年無  
三湘月一作三秋月

旅懷

蒹葭月冷時聞雁楊柳風和日聽鶯  
水涉山行二年客就中偏怕雨舡聲

贈崔道士

四海兵戈無靜處人家廢業望烽烟  
九華道士渾如夢猶向樽前笑揭天

題道林寺

身未立間終日苦身當立後幾年榮  
萬般不及僧無事共水將山過一生

贈質上人

枿坐雲遊出世塵兼無執鉢可隨身  
逢人不說人間事便是人間無事人

涇溪

涇溪石險人兢慎終歲不聞傾覆人却是平流無石  
處時時聞說有沉淪

夏日題悟空上人院

三伏閉門披一衲兼無松竹蔭房廊安禪不必須山  
水滅得心中火自涼

經嚴陵釣臺

蒼翠雲峯開俗眼泓澄煙水浸塵心唯將道業爲芳  
餌釣得高名直至今

關試後筵上別同人

日午離筵到夕陽明朝秦地去吾鄉同年多是長安  
客不信行人欲斷腸

鷓鴣

一般毛羽結羣飛兩岸煙汀好景時深水有魚啣得  
出看來却是鷓鴣餓

宿村舍

野人於我有何情半掩柴門向月明深夜欲眠眠不  
着一叢寒木一聲猿



題新鴈

莫天新鴈起汀洲  
紅蓼花疎水國秋  
想得故園今夜  
月幾人相憶在江樓

離家

丈夫三十今如此  
疲馬離鄉懶着鞭  
槐柳路長愁殺  
我一枝蟬到一枝蟬

旅舍遇雨

一作旅懷之二

月華星彩坐來收  
嶽色江聲暗結愁  
半夜燈前十年  
事一時和雨到心頭

送人歸淝上

巢湖春漲喻溪深  
纔過東關見故林  
莫道南來總無  
得水亭山寺二年吟

自遣

糲食麤衣隨分過  
堆金積帛欲如何  
百年身後一坏  
土貧富高低爭幾多

聞子規

楚天空濶月沉淪  
蜀魄聲聲似告人  
啼得血流無用  
處不如緘口過殘春

秋夜苦吟

吟盡三更未着題  
竹風松雨共淒淒  
此時若有人來  
聽始覺巴猿不解啼

秋夜聞砧

荒涼客舍眠秋色  
砧杵家家弄月明  
不及巴山聽猿  
夜三聲中有不愁聲

將過湖南經馬當山廟因書三絕

人說馬當波浪險  
我經波浪似通衢  
大凡君子行藏  
是自有神龍衛過湖

二

貪殘官吏虔誠謁  
毒害商人瀝膽過  
祇怕馬當山下  
水不知平地有風波

三

九江連海一般深  
未必船經廟下沉  
頭上蒼蒼沒瞞  
處不如平取一生心

小松

自小刺頭深草裏  
而今漸覺出蓬蒿  
時人不識凌雲  
木直待凌雲始道高

醉書僧壁

九華山色真堪愛，留得高僧爾許年。  
聽我吟詩供我酒，不曾穿得判齋錢。

顧雲

詠柳

閒花野草總爭新，眉皺絃乾獨不勻。  
乞與東風殘氣力，莫教虛度一年春。

李昭象

寄尉遲侍御

我眠青障弄澄潭，君戴貂蟬白玉簪。  
應向謝公樓上望，九華山色在西南。

招西洞道者

危峯抹黛夾晴川，樹簇紅英草碧烟。  
樵客雲生兩無事，此中堪去覓靈仙。

殷文圭

贈池州張守

一刻律詩見前池州志截後半為絕句

絳帷夜坐窮三鼓，紅旆行春到九華。  
只怕池人留不住，別遷征鎮擁高牙。



樓上看九華

九朵連雲勢欲騰  
鳥飛難到最高層  
誰家寫在屏風上  
巖下松間盡九僧

二

九條寒玉罩雲中  
雨外霞分海日紅  
疑是巧人新畫出  
與他天柱作屏風

三

四顧巒峯峭莫羣  
翠峯長與曉光分  
盡分明處要清白  
獨倚青天絕片雲

伍唐珪

寒食日獻郡守

入門堪笑復堪憐  
三徑苔荒一釣船  
慚愧四鄰教斷火  
不知厨裡久無煙

朱元

道左獻池陽刺史孫愿

一作迎孫刺史

昔日郎君今刺史  
朱元依舊守朱門  
今朝行馬諸童子  
盡是當時竹馬孫

賦

周繇

夢舞鍾馗賦

皇躬抱疾佳夢通神見番綽兮上言丹陛引鍾馗兮  
來舞華茵寢酣方悅於宸衷不知爲異覺後全銷於  
美疾始訝非真開元中撫念齊民憂勤大國萬機親  
決於宸斷微瘡遂沾於聖德金丹術士殊垂九轉之  
功桐籙醫師又寡十全之力爰感神物來康哲王於  
時漏滴長樂鐘敲建章扁禁闈兮閑羽衛虛寢殿兮

聞嬪嬙虎兔枕歌象榻透熒熒之影鰕鬚簾捲魚燈  
搖閃閃之光聖魂恟恍以方寐怪狀朦朧而遽至磬  
斫標衆顛類特異奮長髯於濶臆斜領全開搔短髮  
於圓顛危冠欲墜顧視纔定趨蹌忽前不待予調鳳  
管撥鸞絃曳藍衫而颺纚揮竹簡以隔躑頓趾而虎  
跳幽谷昂頭而龍躍深淵或呀口而揚音或蹲身而  
節拍震雕栱以將落躍瑤階而欲折萬靈沮氣以悵  
惶一鬼傍隨而奮躑煙雲忽起難留舞罷之姿雨雹  
交馳旋失去來之跡層想纔寤清宵已闌袿沉疴而  
頓愈痒御體以猶寒對真妃言寤寐之祥六宮皆賀  
詔道子寫婆娑之狀百辟咸觀彼號伊祁亦名鬱壘  
儼袂於凝沔之末驅厲於發生之始豈知呈妙舞兮  
薦夢明君康寧兮福履



序  
顧雲

唐風集序

大順初皇帝命小宗伯河東裴公掌邦貢次二年  
遁者來隱者出異人俊士始大集都下於羣進士中得

九華山杜荀鶴拔居上第諸生謝恩日列坐既定公  
揖生謂曰聖上嫌文教之未張思得如高宗朝拾遺  
陳公作詩出繼二雅馳驟建安削苦澀僻碎畧淫靡  
淺切破艷冶之堅陣擒雕巧之酋師皆摧撞折角崩  
潰解散掃蕩詞場廓清文浸然後有戴容州劉隨州  
王江寧率其徒揚鞭按轡相與呵禦來朝於正道矣  
以生詩有陳體可以潤國風廣王澤固擢生以塞詔  
意生勉爲中興詩宗生謝而退次年寧親江表以僕  
故山偕隱者出平生所著五七言三百篇見簡其雅

麗清省激越之句能使貪夫廉邪臣正父慈子孝兄  
良弟順人倫紀綱備矣其壯語大言則決起逸發可  
以左攬工部袂右拍翰林肩吞賈喻八九於胸中曾  
不憚芥或情發乎中則極思冥搜游泳希夷形兀枯  
木五聲勞於呼吸萬象悉於抉剔信詩家之雄傑者  
也美哉裴公之知人爲不誣矣於戲旌別淑慝史臣  
之職也僕幸得爲之叙錄視其人齒尚壯才力未盡  
謳吟之興方酣俟其繼作得如周頌魯頌者廣之爲  
唐風集老而益精留次序景福元年壬子夏述

題致仕武賓客嵩山舊隱詩序

賓客諱攸叙則天皇后從臣也天授中封安平郡王  
遷殿中監出爲揚州大督府長史聖歷中棄官隱居  
嵩山避榮寵也想其始來捫危選勝駕迴栽基鈿走  
伊波控隱士飲牛之渚螺排緱嶠對仙人鶴駕之峰  
移紫府之全模寫清都之勝概王桃植砌董杏栽壇  
帳合蘿高床平石古飛流界練貫幽響於風湍曙景  
張屏掛清光於露壑時或春花發盡秋雨晴初虛籟  
調風斜窻映月吞露華兮漱煙液而樂天和吟酒賦

兮唱吟歌焉知帝力及龍圖去呂龜鼎還劉中宗皇  
帝方欲訪道崑巖鳴鸞茨岫遙飛鶴版親授蒲軒扣  
蓬藿之荒扉遠徵枚乘掃皋夔之右席強走嚴陵莫  
不黃屋翹襟高霞疊夢絲是輕鷗出蒲明月離雲纔  
拜宸堦旋登甲觀以公嘗棲洞府不喜塵機雖當掛  
珮垂紳愈若投網觸罟及飛章上闕雪泣辭天帳祖  
席於青門轄仙裝於紫陌乃知飛霜匝野水雀留不  
死之蠶烈日熒溟珠岸有不枯之草故能振清風於  
戚里飛逸駕於雲遠宜乎與祿產分鏡夷齊合轍比



夫吞腥咽腐懷祿偷安者不亦優乎。今則八桂森指  
五芝零落立松崖而盡日不見王孫掃石壁以題詩  
別招逋客豈無來哲能紹玄蹤聊剖短章用旌高烈  
時睿文英武明德至仁廣孝皇帝御宇十二歲也龍  
集辛卯律中林鐘十二月丙寅題

在會稽與京邑游好詩序

文苑英華此篇無姓氏以其載顧雲前序  
之後未刻前人姑錄以存疑

造化之功東南之勝獨會稽知名前代詞人才子謝  
公之倫多所吟賞湖山清秀超絕上國羣峰接連萬

水都會昇高而望盡目所窮蒼然黯然兀然澹然先  
春煦然似畫似翠似水似冰似霜似鏡削玉似劍者  
霞布似窈窕者霜清似英絕者如是者千狀萬態綿  
亘數百里間則夫盤龍於泉巢鳳於山蘊玉於石藏  
珠於澗固必有矣真駭目喪精之所也其土沃其人  
文雖逼閩蠻而不失禮節雖枕江海而不甚瘴疫斯  
焉郡邑一何勝哉將天地之樂萃於斯耶至於物土  
所產風氣所披鳥獸草木之奇妖冶嬋媚之出前聖  
靈蹤往哲盛事此傳記所詳不假重言也斯但粗述

其勝耳僕雖乏才自侍從至此晨夕習業之外游覽  
所得吟詠烟月攄散情志自足一時之興也亦足快  
哉然時或倚檻南臨回首西望相交朋遠誰與同之  
每思往年於京洛間見時俗之士浮淺之流多誇邑  
外人家有水木田園庄舍甚爲奇勝可比江山嘗與  
俱往謂信然今在此乃知前者之悠悠妄誇耳不足  
聽且夫方壺圓嶠桃源洞天自標真聖之居不與巖  
塵相接非但計幽隱已也至於人寰所有游觀必常  
顯敞知名若會稽山水深不可測高不可及如是乃  
能孕靈怪藏珍寶生霞雲而盡勝概耳豈於十畝之  
地朝夕之間鑿爲汙池植爲幽藪源流既通根底可  
知深不過藏青蛙密不過棲烏鵲而能出奇爲勝哉  
今之君子多尚奇好事貴達顯揚幽僻多陋則言之  
而實不足徵也不然則是人能與造物爭功矣今序  
其事貽諸朋好知之者幸棄彼冗瑣而同此游也爲  
通理矣輒以數篇鄙拙寄贈誠玷視聽貴盡其樂以  
資笑言



劇談錄序

駢咸通中始隨鄉賦以薄技貢於春官爰及竊名殆  
將一紀其間退黜羈寓旅予秦甸洛師新見異聞常  
思紀述或得史官殘事聚於竹素之間進趨不遑未  
暇編綴及寇犯天邑挈歸漁樵屬江表亂離亡逸都  
盡景福乾寧之際耦耕於池陽山中閉關雲林罕值  
三益而又環堵之內闕於墳典思欲叙他日之遊談  
迹先王之軌範不可得矣然則平昔之道本爲於文  
既未能立匡世之功名又安得捨窮愁之翰墨因想  
時經喪亂代隔中興人事變更邈同千載寂寥湮沒  
知者漸稀是以耘耨之餘粗成前志所記亦多遺漏  
非詳悉者不復叙焉分爲二編目之曰劇談錄文義  
既拙復無雕麗之詞亦觀小說家流耶以傳諸好事  
者乾寧二年建巳月池州黃老山白社序



記

費冠卿

九華山化城寺記

九華山古號九子山崛起大江之東揖潛廬於西岸  
儼削成於天外旁臨千餘里高峰峻嶺臣焉連岡走  
隴子焉自元氣凝結幾萬斯年六朝建都此爲關輔  
人視山而天長山闔人以波逝其間聖后賢臣詠歌  
迭興言不及者茲山屈焉開元末有僧檀號張姓自  
羣舒至爲鄉老胡彥請住廣度男女時豪所嫉長吏

不明熒其居而廢之時有僧地藏則新羅王子金氏  
近屬項聳竒骨軀長七尺而力倍百夫嘗曰六籍寰  
中三清術內唯第一義與方寸合落髮涉海捨舟而  
徒睹茲山於雲端自千里而勁進披榛援藟跨峯越  
壑得谷中之地面陽而寬平其土黑壤其泉滑甘巖  
棲澗汲以示高潔曾遇毒螫端坐無念有美婦人作  
禮奉藥云小兒無知願出泉補過應視坐石石間渠  
潛時人謂九子神焉素願馮四部經遂下山至南陵  
有俞蕩等馮獻焉自此歸山跡絕人里逮至德初有

諸葛節等自麓登峰山深無人雲日雖鮮明居唯一  
僧閉目石室其旁折足鼎中唯白土少米烹而食之  
羣老投地號泣和尚苦行如此某等深過已出泉布  
買檀公舊地敢冒死請大師從之近山之人聞者四  
集伐木築室煥乎禪居有上首僧勝瑜等同建臺殿  
榎栴豫章土地生焉斷而斲之珉珠琪瓊不求他山  
肆其磨礪開鑿澗澗盡成稻田相水攸瀦爲放生池  
乃當殿設釋伽文像左右備飾次立朱臺掛蒲牢於  
其中立樓門以冠其寺丹素交彩層層倚空函巒隊



起於前面松檜陣橫於後嶺日月晦明以增其色雲霞聚散而變其狀松聲猿嘯相與斷續都非人間也建中初張公嚴典是邦仰師高風施捨甚厚因移舊額奏置寺焉本州牧賢者到寺嚴師之敬西江估客於雲外見山施帛若干足錢若干緡焚香作禮遙以祈祐師廣德焉况親承善誘感悟深哉旁邑豪右一瞻一禮必獻桑土豈諸牧不合禮焉富商大族輕其產哉道德感也本國閩之相與渡海其徒實衆師憂無糧發石得土其色青白不摻如麵夏則食蕪土冬

則衣半火無少長畚田採薪自給中歲領一從者居於南臺自緝麻衣其重兼鈞堂中塌上唯此而已池邊建臺厝四部經終日焚香獨味深旨時年九十九貞元十年夏忽召衆告別因知攸適惟聞山鳴石隕感動無情將滅有尼侍者來未及語寺中和鐘無聲墮地尼來入室堂椽三壞吾師其神歟跌坐函中經三周星開將入塔顏狀亦如活時昇動骨節若撼金鎖經云菩薩鈎鎖百骸鳴矣基塔之地發光如火其圓光與其佛廟羣材締構衆力保護施一金錢報



一重果下爲輪王上登聖地昔有護法良吏洎施力  
僧檀越等具刻名於石疾歿代不能立殊績以濟  
衆又不能破餘財崇勝因緣啄腥羶顧兒婦生爲人  
非死爲鬼責悲哉時元和癸巳歲予閒居山下幼所  
聞見謹而錄之孟秋十五日記

啓

顧雲

代青州掌記謝本府辟啓

某啟今日衙前虞侯某乙賫到簡牒伏蒙召署節  
度掌書記者伏以記室司存雄藩重務吳中草檄始  
召陳琳鄴下裁牋方徵阮瑀咸持彩筆以掌軍書况  
地控全齊封連巨浸有外夷之琛寶多土貢之賦輿  
假道既繁飛章亦衆永言斯任宜委高才且某徒効  
聚螢未嘗吐鳳讀傳而雖云未見愈風

忽辱簡書遽蒙辟召捧函增懼撫已  
遙想膺門  
已積糜軀之志仰瞻龍節空懷報賜之誠

謝徐學士啟

某啟某聞隋珠暗投路人生興忽荆玉三獻明主懷疑  
非至珍之有類有瑕亦明鑒之難逢難遇况某樵歌  
俗韻牛鐸凡聲雖委巷末途時聞中律而曲卑調下  
難感知音洎儒術中微時文稍變原玉之風流漸遠  
淵雲之事業攸歸亦嘗悵望危津潺湲阮路歛毫興  
感掩卷長歎今也河薦綠圖山張疑翠簡開張網罟

漁獵英髦周渭商巖皆辭釣築抱關負鼎盡掛簪裾  
必有人賢出扶聖教歷詢時論實屬高才伏惟學士  
瑤圃呈祥尼丘降瑞名題仙署足躡瀛洲東指臺前  
閑披碧簡秦王府裏時閱瑤籤徐觀動息之蹤已積  
鈞鎔之望某所以携持陋唱塵坵朱門駭愕未遑軒  
車忽至俯留榮誨下獎微才拜啟琅函跪吟華藻  
簧滿耳雕煥盈眸某嘗徧閱縑緗亦聞先達時接後  
來遠則沈隱侯之獎何伯言纔聞發論近則韓文公  
之知李長吉始議及門未有曲示恩私顯留翰墨才



微往彥遇倍昔時仰戴恩榮已增銘篆謹當卷之  
軸飾以錦綵置在書囊永爲家寶

代新及第人謝監鐵使啟

其學慚辨豹業愧藏螢且乏智囊况無經笥雖冰盤  
凍筋素所牽懷而長笛短簫亦嘗關慮豈謂攻堅少  
益雕朽難能劉子駿之醬甌屢蒙相誚陸士衡之酒  
甕每沐見嘲內揣龍鍾深并棄置去年因收敗卒決  
戰文場奮藻儒林爭衡筆陣方憂殿騎忽擢丙科姓  
名遽接於英髦骨肉初違於凍餒懷仁空極欲報無  
繇徒銘効死之心未得殺身之地近見其官說竊知  
侍郎以沉淪軫念汲引開懷欲廣薦衡遂先始隗訖  
使變商爲角化慘成舒備雅奏於文絃偃和光於暖  
谷遐沾厚惠咸出深仁今也周渭告祥殷巖叶夢前  
籌待運鏤鼎思調明主繫心蒼生企踵其幸將微眇  
預託鈞衡願居擁篲之先獲廁掃門之末庶因灰粉  
少措毫芒

投刑部趙郎中啟

其啓扣德操之鼓鐘冀聞音響仰劉琨之山海庶覩



高深或覲憫憐少加披省某勾吳寒族鄒魯庸儒偶  
効殺青因思拾翠捨獨繭文竿之樂預橫經染翰之  
遊一別楚山四凋秦葉進惟角觸退則羈棲望化羽  
之期烏頭詎白困龍門之險魚尾將頽近者輒以荒  
蕪上千載鑿寶慙小道不副至公或自朋遊竊聆風  
旨潘江陸海曲借品流繡段金聲仍加綠籥今則將  
臨筆陣漸逼掄材既乏先容惟憂點額絃哀柱促風  
勁葉危輒寫丹誠仰塵清鑒倘蒙特分餘潤微假末  
光朽卉生萸寒灰發焰纔沾慰薦便是輝華酬恩豈  
止於捐軀効德願同於異類迴眸願印庶竊比龜靈  
四代五公請先於雀報

上翰林劉侍郎啓

某聞皎鏡當懸無疲屢照華鐘在簷不阻頻鏗其有  
飾貌前來橫庭直進思投朗鑒願聽洪音孔室高深  
前遠仲由之懇羊門峻阻難傳趙壹之懷所以載託  
牋毫用爲紹介某吳門釣者闕里儒徒捨詹何獨繭  
之綸學羊子雕蟲之技慕顛孫之干祿効車子之聚  
螢西過許昌空吟景福東遊鄒魯欲儼靈光時或風

入楚臺雪飛梁苑偶然成詠忽爾盈篇是用歷韓鄭  
之門庭學楊衡之刺謁刻舟琢木未擬迂踈鑿朽攻  
堅難方齟齬以致兩臨文陣俱挫筆鋒東郭先生將  
逃濫吹步兵校尉欲泣窮途然亦默聽時謠頗聞通  
論以爲蔡中郎之未顧則竹棄柯亭張司空之見知  
則劍辭園室以時方濟會物有窮通須因甄藻之時  
冀別沉淪之所求諸作者不在他人是以某月日輒  
貢菲詞上千英盼以侍郎學士作時儀鳳爲國元龜  
學海波瀾嘗融沆瀣情繇龍畝曾稔耕耘屬詞則麗  
藻恒春視草則文星鎮動言能振螫勢可然灰倘蒙  
垂一顧之恩出陸沉之所平生進退決在指蹤干犯  
清嚴無任惶懼企望之至謹啓

上路相公啟

某啟某本異仙材又非良器叨因射策偶忝決科始  
脫麻衣纔沾斗粟方期清慎稍竊寵榮無何不善攝  
生遽沉痼疾懸地結鬻鬪螳成災針石屢加駕羸無  
減並相如患渴雖覺有瘳比玄晏病風猶希可療實  
以彌年伏枕終日閉關嬰幼素多饘餼莫給腸燃烈



火髮染繁霜分無榮達之繇敢望陶鎔之力幸連姻  
戚合候起居伏蒙特軫襟靈深垂顧問咨嗟生業憫  
惻羈危許以轉銜致諸外府側聆嘉命寂聽好音扶  
策病躬開張淚目仰希尊旨如釋沉疴拜賜猶賒銜  
恩欲泣望朱門而尚遠銘丹慊以先深必也果踐玉  
音不移金諾資糧有羨藥餌無虞然後訪三世之名  
醫求千金之顯效獲離枕席再服冠纓維此升沉實  
繫恩德因而待問希同喘路之牛誓此酬恩願此棲  
囊之雀謹專奉啟起居陳謝

上翰林劉學士啓

某聞鄭玄之謁馬融不知不去趙壹之干羊陟未遇  
未休或三年嘗在於門庭或一日再經其牆仞蓋以  
此時儒學無出於馬公當世文儒不先於羊子所以  
重桴靈鼓復扣洪鐘某問不知三書惟闕五未能窺  
豹強欲知龍洎投棄綸竿依憑緗帙從田巴於稷下  
謁楊震於關西三篋遺書粗知篇目一枚墜簡微識  
指歸栖遲雖甚於蘇秦勤苦僅同於甯越時或嚴霜  
屆節脫葉辭枝曲突無烟幽窻有雪飛文月殿欲儼



謝莊染翰蘭臺思齊宋玉實以鈿躄龐統魯極曾參  
三犯龍門屢奔鯨浪玄珠難得空迷罔象之津大道  
多岐頻灑亡羊之泣輒塵藻鑿叨獻菲辭竊自朋遊  
或聞推許潘生摘錦巧借丹青謝氏碎金猥加流品  
亦復願披仙霧頻扣朱門冀遂望塵不期倒屣今則  
藩羝類宮幕燕同危正當羸角之時未識安巢之計  
輒披肝膽來訴融門伏以其官辨敵飛龜才雄白鳳  
鑑同止水公甚平衡潤青藻於詞林雜榛蕪於義路  
講理則絲繩讓直發言則山嶽慙輕倘假以風雲賜  
之慰薦奏楊雄於漢殿始郭隗於燕臺願借吹噓豈  
無裨助至於斬衣異命顧印酬恩夜盜狐裘曉開魚  
鑰凡於死所請以身先干犯清嚴無任隕越

下第後謝徐學士存問啓

某聞收燼枝於烈焰必假良知出埋刃於重泉當資  
至鑿苟非精識孰測神功蓋由六律五音固應難審  
靈鋒寶錫或未易知其不善守株妄修通刺爰從前  
歲秋杪去年冬初屢貢菲詞上干藻鑑實以仙凡阻  
越流品懸殊天上程遙人間信斷在塵寰而祝望空

有精誠向雲路以存思寧通夢想近者以龍門阻浪  
鷲谷催枝鱗鬣傷殘羽翰零落懷鄉莊舄正苦越吟  
去國鍾儀方悲楚奏誰言否極忽有秦來前日某官  
委訪窮居曲傳芳訊側聆尊旨跪聽玉音竊聞俯降  
咨嗟深垂憫惻初疑夢覺終謂風傳方當退鷁之時  
忽得攀龍之便伏以學士優游仙苑泛泳天潢覆錦  
高眠八花磚而讓寵舍香視草五色筆以慙神况鏤  
鼎思調前籌待運起骸有術骨肉多方倘蒙列在衆  
賓致之下舍曉彈長鈇不空效其歌魚夜取珍裘竊  
欲借於狗盜

上戶部裴郎中啓

某聞放龜者無心覓印養雀者微意求環蓋繇仁發  
於誠惠加於物因懷感激遂効禱祥若某者泳沼未  
期傷弦有日仰恩波而尚遠指雲路而猶賒欲望生  
成猶希憫惻實以才非辨鵲道異猶龍四海投知希  
逢厚遇二年求試未遇先塲撫螢窻而便欲灰心對  
鶯花而徒傷淚目加以秦吳路阻煙水程遙甘滑多  
遠問安嘗闕中霄夢到星漢俄沉萬里書迴槐檀遽



改而又偶師題柱竊學棄繻期未達而不還亦舍此  
而何適曾將薄伎叨忝殊私倘蒙尚憫枯鱗猶傷塌  
翼纔沾末薦便是深恩縱不能生報田文亦可以死  
酬宣子傾心企望瀝懇依投圓蓋低臨方輿上載苟  
違斯語請告神明

上戶部鄭員外啓

某啟某聞柳文暘之遇王融初因雅韻劉嗣芳之逢  
沈約實自片辭或兩句可嘉或一篇堪獎則題於團  
扇寫在郊居遂使西邸流芳南朝溢美時名愈大紙

價彌高今也故事俱存清風盡在每因投卷竊賀伊  
人雖有負於斯文幸遭逢其至鑒若某者學殊半豹  
藝媿全牛慙無經濟之文空有悲哀之賦投竿魚浦  
造跡龍津無一時暫廢討論無一日敢忘索課誠不  
足揄揚大政感動知音比於雕蟲爲文鳥跡成字雖  
無關至理亦粗有可觀輒敢編錄荒蕪輕塵裁鑿禽  
中一鷄冀文舉之明知嶽底雙龍庶茂先之必識倘  
或冰壺借潤水鏡分光如其積玉之名示以鑑金之  
譽一日三復非敢望於休文拂席易衣竊有期於謝



混仲尼墻峻元禮門深非因咫尺之書難寫依投之  
懇絃哀柱促言切詞繁先甘安進之喉後受自媒之  
責干犯明德伏積兢慙

上殿院韋侍御啓

某聞干時妄動君子不爲小智大謀兵家所忌進憂  
狂捐退恥敗亡詳觀躁進之機爰契軍戎之事聊因  
牋簡假喻師徒冀憑殷氏之函用代秦庭之泣某名  
同膠柱用等鉛刀不思量力而行竊欲爭鋒而進洎  
焚舟學海決戰名塲表甲不堅心城匪固兩經先榜  
但潰楚師再犯終塲亦班齊騎雄風缺落銳志消磨  
執金鼓以無因送降旗而不暇李陵矢盡項羽兵窮  
歸漢懷慙還吳失計所以重噓懦氣再奮空拳欲罷  
不能既蘇復上將欲戒嚴文陣蹂躪議圖贖孟明奔  
命之辜雪曹沫敗軍之辱而我師甚寡彼敵尚強未  
暇爭衡空憂失律持疑不進掉鞅難前先懷納欵之  
誠欲有乞師之志伏以某官身弓落雁心劍割犀儒  
囿中軍翰林盟主揮五色筆爲諸侯師出奇於文苑  
之中二南術璧決勝於粉闈之內七子輿棺倘蒙益

以奇兵濟之餘勇旁麾義櫓遠借雲梯使武庫戈矛  
皆爲我旅文王草木盡作王師苟無必勝之功甘受  
後期之責塵浼清聽伏積憂惶

上陸侍御啓

某聞河南器賈本爲能文紀北推袁魯因善賦或以  
年將弱冠或以才越衆流繇是擢自後生寘諸前席  
高擅洛陽之價雄專倚馬之名故能爲文苑之美譚  
作儒家之盛觀若某年將逾誼才不及宏論乏過秦  
詩殊詠史徒修通刺莫偶深知加以故國三千青霄

九萬但把羈離之苦畧無騫翥之期陶元亮之揮毫  
只思歸去庾子山之染翰空有悲哀近者不自揣量  
輒懷狂狷累緘已唱來叩郢門螢近燭龍敢言芒耀  
鷄親威鳳方耻羽儀近自朋遊竊聆風旨每承談論  
嘗借丹青免貽覆甕之譏叨枉擲金之譽此皆情深  
誘掖意在維持迂洛下之名華徑容攀附記吳中之  
氏族嘗在接聯令申孔李之交許入原嘗之舍且知  
逢晏子屈則宜伸媒遇蹇修醜而思嫁所以更傾幽  
抱來訴融襟宋玉雄風必加吹照謝莊明月終借光

輝獲居七士之間便是百生之黍干，犯清聽伏積憂  
惶

判

張喬

燕弓矢舞判

燕師國子以弓矢舞樂師巡列將撻之曰眡瞭  
詔瞽來舉

對

燕訓恭儉樂協詠歌君子以之侑食先王所以布政  
師彼國子舞於公廡始合於文執羽籥而在列終奏  
以武觀弓矢之斯張進退疾徐取六律以成節屈伸



俯仰宣八風以克諧始協伯夔之教自得周官之典  
眡瞭詔瞽既訴者之有詞樂師巡列何扑作之妄罰  
於此觀禮宜其緩刑

誅

顧雲

張童子誅

冒法復讐信難逃於刑典忘身徇孝誠有契於禮經  
且從古以來誰人不死得其死矣夫何恨與

太平廣記曰張童子者名琇審素之子也  
開元二十三年琇殺殿中侍御史楊萬頃  
於闕下復父讐也初審素受賕事發詔萬  
頃按之萬頃按審素過入故坐誅家屬徙

邊琇會赦得還時未冠乃追復前讐與其  
弟璿手及萬頃於都城聞者駭之帝嘉其  
孝將釋之有司以專殺抗論琇坐死時人  
哀之葬於却山爲疑冢焉蓋懼楊宗之所  
發也故虞部員外郎顧雲誅之



